

## Was merr so babbelt

Honnes, doin Freund Karl iss joo kronk.  
Ich waaß.  
Unn - warum hosde merrs nit verzehlt?  
Habb ich derr doch.  
Naa, hosde nit.  
Nit? Dann habb ichs vergesse.  
Du verzehltst merr iwverhaupt nix mehr.  
Dess stimmt nit. Ich habb derr ...  
Du host merr gar nix verzehlt.  
Woher waaßden dess mettem Karl?  
Von soiner Fraa. Unn du?  
De Schorsch hotts om Stommdisch erzehlt.  
Dess war schunn vorgestern.  
Ich habbs halt vergesse.  
Du host merr noch mehr nit verzehlt.  
Ei was dann?  
Dass eiern Werrt aach kronk war.  
Dess habb ich derr verzehlt.  
Ei wonn dann?  
Om Sunndaach beim Esse.  
Beim Esse? – dess misst ich wisse.  
Ich kann mich noch genau erinnern.  
On was konnsde dich erinnern?  
Wie du gesacht hosd, dass die Spaschele ...  
Mir hadde doch gar koo Spaschele.  
... dass die Spaschele so deier sinn.  
Was hotten dess mett eierm Werrt ze due?  
Weilde doodeferr Koppsalat gemacht host.  
Unn weider?  
Im Salat war doch e Bie drin, odder?  
Konn soi.  
Doo habb ich gesacht: De Werrt is kronk.  
Was hott dann der mettere Bie ze due?  
Nix. Unn dessweeche bin ich joo druffkumme.

Eiern Honnes